

中華民國三年一月十六號
行政公署政報處發

湖南政報

309行號

3092

本報價目

一本報按照陽歷每日出報一本
每分每月收回大洋六角
零售每分銅元三枚

一外埠購報郵費以購報之多寡酌加
一夫役送報如有遺漏請即函告以便補發

長沙育嬰街宏文社印刷

目錄

命令

省令

都督兼民政長令 十一則

公電

本省發電

都督兼民政長致 大總統國務院內務部電

公文

都督兼民政長致國稅廳籌備處函

都督兼民政長致高等檢察廳函

都督兼民政長致權運局函

都督兼民政長致湖南孔教會函

呈批

都督兼民政長批 六則

命令

大總統令

茲制定驗契條例公布之此令

茲制定契稅條例公布之此令

茲制定販賣煙酒特許牌照稅條例公布之此令

茲制定所得稅條例公布之此令

據署雲南都督唐繼堯電稱官軍勦平叛匪收復失陷各縣請將出力人員給獎等情此次叛兵肇亂旬日以內擾及十餘縣各地匪徒勾結響應并據稱有國民黨人暗中主使劫掠民財佔據城邑爲害實非淺鮮經該署督督飭軍隊分路勦辦團長趙鍾奇進勦蒙化彌渡賓川等處屢獲勝捷並分派支隊在定遠大姚姚安鹽豐各縣與匪接戰多次擒獲甚多其竄踞劍川之匪亦經趙管帶勦泰率隊勦平所有失陷各縣均次第收復實屬調度有方唐繼堯應給予一等文虎章以彰勞勩所有出力人員自應分別獎勵范石生補授陸軍砲兵上校華封歌補授陸軍步兵上校錢開甲補授陸軍工兵上校楊體震加陸軍步兵上校銜文國祥補授陸軍步兵少校並加陸軍步兵中校銜呂克昌董家德均補授陸軍步兵少校廖鼎體補授陸軍騎兵中校陳毅補授陸軍工兵上尉譚兆福補授陸軍砲兵上尉張定甲補授陸軍步兵上尉沈少新楊承紀均補授陸軍步兵中尉其餘各員俟署督查明開單彙呈再行核奪此令

李厚基給予二等嘉禾章王聲玲給予二等嘉禾章此令

據兼署奉天民政長張錫鑾呈稱奉天財政司長王黻煒呈請辭職王黻煒准免本官此令
任命張翼廷爲奉天財政司長此令

任命朱照爲福建國稅廳籌備處處長此令

海軍總長劉冠雄呈請任命鄭寶菁爲科長應照准此令

內務總長朱啓鈴呈請任命張鏞王守恂曾維藩爲僉事應照准此令

司法總長梁啓超呈請任命萬宗周趙廷鈞署甘肅高等檢察廳檢察官應照准此令

據政治會議呈稱前奉諮詢增修約法程序一案經開會全體議決僉以爲宜於現在之諮詢機關及普通之立法機關以外特設造法機關以改造民國國家之根本法等語本大總統就任宣言業經鄭重聲明誓以刷新政治爲藐躬之責現在國事日棘誠有如該會議所陳非刷新政治無以救國家之危非增修約法無以立刷新政治之本既據該會議全體議決即請特設造法機關並徵引法理事實反覆印證而於其機關組織尤肫肫然以召集富於學識經驗聲望素著之員希冀方來具見政治會議各員同心愛國出於至誠本大總統雖以就衰之年亦甚願竭盡智能與我國民共此艱難大業綜核該會議原呈各節按諸美法先例既屬同符準以吾國現情尤爲切中自應如議進行惟事關國家大計所稱造法機關究應如何組織應用何種名稱其職權範圍及議員選派各法應如何妥慎規定特諮詢政治會議尅日議決具

覆以憑公布施行此令

據兼任陸軍總長周自齊呈准兩翼牧羣統轄總管咨稱右翼馬羣被匪劫掠請將該署總管幹珠爾札普等分別懲辦並自請議處等情該總管掌理牧羣不能先事防範至失去馬羣四千六百餘匹之多事後又復逍遙避匿殊堪痛恨幹珠爾札普着即褫職交兩翼牧羣統轄總管嚴行審辦牧養科長胡啓榕及其餘疏防各員均屬有虧職守並應分別按律審擬以昭炯戒統轄總管何宗蓮既擬自行檢舉應從寬允予置議仍責令認真整頓不得再有疏失餘如所擬辦理此令

中華民國三年一月十一日

張敬堯蔡森均給予二等文虎章此令

甘肅教育司長馬鄰翼調京另候任用此令

據署湖南都督兼民政長湯薌銘電稱石門縣知事田昌領醴陵縣知事羅彥芳臨湘縣知事劉煌然安福縣知事舒紹亮或因案潛逃或棄職避匿或詭稱因公溺水斃命或不俟交代先夜潛行除羅彥芳劉煌然兩犯前於電呈湘省亂徒罪狀案內業經彙請通緝外請通飭各省將田昌領舒紹亮二犯一併協同嚴緝務獲遞解究辦等語查知事職在守土責任綦重應如何守法奉公束身自好乃該知事田昌領等竟敢弃髦法紀棄職潛逃實屬乖謬已極應由各省都督民政長通飭所屬一體嚴拿務獲遞解究辦以儆官邪而維治本此令

中華民國三年一月十二日

省令

都督兼民政長指令

令衡山縣知事

財政司案呈據該知事呈報籌餉收捐解支截留提撥欠繳各項數目并造具清冊二本呈核一案查該縣餉款應追繳應補解及應斟酌辦法各節均粘單條列於後合行令仰該知事即便遵照辦理毋再緩延切切此令

計粘單一件

一據前分局前知事及該知事呈報原收總數共錢一十九萬一千六百九十一串八百一十八文查四次共呈繳實收報告單載錢一十九萬零六百四十一串九百九十八文原呈報原收總數比較報告單少載錢一千零四十九串有奇如何不符應即查明呈覆

一按局章照實收數以十分之一五截留該縣應用祇應截留錢二萬八千七百五十三串有奇茲據呈報已截留錢二萬五千二百四十串零零九十文又截留嶽北女校錢四千二百零七串六百二十文共已截留錢二萬九千四百四十七串有奇多截留錢七百串之譜應由知事將應截留未具印領之數補具印領存查至多截留之七百串亦應趕速補解

一貧民廠截留錢二千六百六十九串三百四十三文墾植會截留錢六百串文共錢三千

二百六十九串三百四十三文三扣洋二千五百十五元六角四仙係在一五截留之外經前都督譚批令由該行政廳自行擔任債票應分別造具花戶清冊呈核以免與應發公債票各戶相混

一紅墨各票共錢七千二百四十餘串既載入十九萬餘串實收報告單內已迭次將實收報告單呈繳請領債票在案自係各捐戶認爲已繳該廳作爲已收之欸且紅票性質與現欸無異鄉市流通均無阻滯自應一併從速兌取彙解

一前局員李振聲等勸捐員郭仁丹等共欠錢三千餘串應嚴切追繳毋任展延

一現存本公署債票洋四千四百二十八元四角六仙扣除貧民廠墾植會公債洋二千五百一十五元六角四仙外尙應發公債洋一千九百一十二元八角二仙趕速將應繳之欸批解以憑補給債票

一紅票視同現欸不計外墨票各欸如實不能追繳即由該知事將原票退還捐戶將原給收條收回并造具清冊呈報本公署將此項捐名數目註銷如欠戶已領債票應將原領債票追繳

湖南民
政長印

中華民國三年一月十五日

都督兼民政長指令

令湘潭縣知事

案據該知事呈報織組湘潭全縣保安局遴選正紳總理刊用鈐記等情據此查現當自治中斷之時自應妥籌過渡辦法爲保持治安之計該知事組織保安局選任正紳經理俾得拔茅連茹推及各鄉冀收指臂之效所辦甚是自應照准惟辦事權限必須先事規定以免踰越範圍局用經費亦應樽節開支毋得稍滋浮濫合行令仰該知事即便遵照妥爲辦理具報此令

湖南民

政長印

中華民國三年一月十五日

都督兼民政長指令

令臨武縣知事

財政司案呈據臨武縣知事龔業強呈查明田賦征解情形並行政廳經費請由國家補助乞令行遵照等情據此查司法經費既係提解截留四分之一不敷准由國家補助至行政經費國家即以截留四分之三抵支應合地方行政經費通盤籌畫樽節支用不得將應解正欸挪墊仰該知事即便遵照毋違此令

湖南民
政長印

中華民國三年一月十五日

都督兼民政長指令

令沅陵縣知事

案據該知事呈覆查明該縣國會候補當選議員等情到署據此查該縣國會候補當選議員既有張樹聲馮士倜二人該知事自應詳細查明該候補議員等是否確係脫離國民黨及現在踪跡如何均應詳切聲明以資考核乃披閱來呈於張樹聲既含糊其詞於馮士倜復不置一語似此辦法殊屬率忽合亟令行該知事即便遵照明白具覆毋再徇隱致干未便切切此令

湖南民
政長印

中華民國三年一月十五日

都督兼民政長訓令

令南洲縣知事

內務司案呈准湘岸權運局函案准函開據南洲縣議會舒用呈請令飭龍旂長無故苛擾並

飭岳局趕速撥濟以維民食而保治安緣由函局派員查辦等因准此案准大府函開據南洲縣議會舒用呈請令飭龍旂長無故苛擾並飭岳局趕速撥濟以維民食而保治安緣由函局派員查辦等因准此查接管卷內南洲引鹽脫檔曾據余前旂長寅生以蕭知事發給護照交商辦運川鹽移請查驗放行等情具呈到局經許前局長批飭移知蕭知事追還護照取消前議如照已發商即令商販查明照載舫重數日呈繳稅錢交由南洲鹽局轉解係爲保全引岸維持民食並顧兼籌起見嗣據南洲商號德義大等呈控緝私北旂長龍啓縉藉端詐索商累難堪船戶潘在坤等呈求伸理並據蕭知事及各機關先後馳電遞呈到局當經派員前往調查該商等販運川鹽抵縣已否遵章繳稅暨北旂長有無敲詐情事據實覆候核辦去後茲據委員覆稱遵即馳抵南洲境三仙湖市隨往四處詳密調查實查得該縣自本年五月官引即已脫檔七月內更各處來源告竭民苦淡食市面恐慌經蕭知事發給護照交由商會招商販運川鹽至縣接濟旋又諭令繳轉而各商已先領照前往宜昌澧縣一帶辦運迨辦得後遵章於鱧魚鬚稅局中和梁分卡每舫繳納稅錢十文經過各旂汛局卡均驗照放行運到後陳列肆中銷售月餘亦皆相安稱便忽前月二十日龍旂長帶同兵勇至該市德義大德孚大同升泰各號及沙港市王利順號下南洲義源長號查緝有鹽即肆意恫嚇聲言德義大應罰錢一千串德孚大罰錢四百串同升泰王利順各罰錢六百串義源長罰錢二百串並令即日至營繳款免究該商號等見此變故即一面各將所存無幾之鹽尅日銷出一面赴縣請商會開會

商論二十五日龍旂長復會同蕭知事加派衛兵到市至各號票拘帶案並搜查得裕源祥尙存有鹽當即發封聲音聽候拏辦于時市民知此因羣集該號強迫起封分購該號遂飛報該鎮董事會請往理處不料該會鎮董始則一味顛預繼則只擔任將所封之鹽從權發賣而於前此營縣之議辦議罰各節全無調解辦法該號見市民愈聚愈多恐匪徒混跡其間擾亂一切即報告守備營請往彈壓守備營兵到該號時本未深究底蘊觀其情勢勢不能不以拏人示威市民乃相率圍散至二十六日午前該市遂全體閉市閉市後該鎮董團保親往縣署請知事赴市開導該知事於二十八日邀同司法官同來以致居民誤以鎮董等請官來市辦人遂至不可理喻因將該鎮會公所搗毀幾至毆官幸賴守備兵保護得力又得該知事殊諭無論官鹽川鹽准其一律發賣所有議罰各款概由本廳就承秩序始得全復該市亦即於次日開市此委員在三仙湖市調查當日之實在情形也十五日往縣道過沙港市因便訪查抵縣後又先至各處調查一切均與三仙湖市所查大致相符旋晤蕭知事詳細詢問據言該縣當鹽引奇絀之時正圍田收割之候鄉市情形本甚岌岌不得已始徇商會之請發給護照就近權運川鹽後由北旂長移奉前局長批示申斥又奉前局長暨內務司長會電飭將護照取消而各商已先領照往辦然市面實幸賴以維持前月龍旂長由各市緝鹽來縣敦促即日出票拘究並指定德義大號五家應共罰錢二千八百串外如三仙湖市之裕源祥號烏嘴市之楊永裕亮和厚號尙須嚴重議罰初尙遲疑不允帶案且與該旂長相商總以酌罰敷衍了案爲

是該族長猶復再三催促出票既礙情面又怵於前此之批斥只得出票帶人然已一面示意商會從速具呈要求另籌辦法完全擔任治安以便對付並可據呈電請局長暨內務司長和平了結惟該商會辦事遲緩待至遞呈到縣三仙湖市業已閉市隨有該市鎮董等請往開導遂邀同司法官同往明知該市早無官鹽擬到市後即往各商號查驗實無官鹽即憑請司法官作證電呈局長暨內務司長從權辦理不料該市以訛傳訛各痞徒有意滋擾致釀成搗鎮之亂等語此該縣知事自述辦理此案之原委即可證實委員於三仙湖市所查各情形不虛也十七日往烏嘴市至該縣鹽局將所查情形質之該局員司及乾順泰號友均言所聞確皆實情又詢知該市亦於前月二十六二十七兩日閉市時有多人蜂擁至局及乾順泰號強索官引幸以婉言勸導散去無事正擬趁船回途適由郵遞奉到局批德義大號等潘在坤等副稟二件並抄發局批亮和厚號等呈一件飭委員併案查復除已查明各情不贅外再查亮和厚楊永裕兩號不獨現在之鹽實無四千餘觔即歷賣之鹽亦不過四千餘觔潘在坤等一案於各處本已得聞該縣知事亦與言及惟現在收押該縣司法署者係即潘在坤並非蔡川滿十八日折回三仙湖市比即親赴德義大裕源祥兩號調閱所運川鹽之釐捐印票鄰鹽稅單均一一驗明屬實且查得北族長於查拿潘在坤等之鹽實係連船並販賣之布疋棉花及穀椒服物器皿等一並拿送回營其多少數目則無從詳知此外該族長尙提去同升泰號鹽四百觔德孚大號鹽二百十六觔此委員於烏嘴市所查及遵奉續查各節之詳情也按以上所

查各情該知事其初固爲地方起見惟處置率多柔懦該旅長辦事則不免孟浪各商號尙無他項不法情事其應如何辦理之處應候鈞裁所有遵奉調查緣由理合具文呈覆伏乞察核施行再南洲知事於三仙湖市鬧鎮之後又發有護照運川鹽一千三百石交由商會辦運委員到該縣時業有運到者查現在該縣鹽局已到齊東鹽一票尙有兩票陸續可到因即商請該知事即日出示通告限期截銷並移發緝私營於邊地張貼俟川鹽進境時宣告堵轉復一面行知商會將所發護照刻日止運取消是否有當合並呈明等情前來查該委所呈各節調查甚爲詳確蕭知事辦事顛預一誤再誤龍啓縉假詞緝私詐贓有證尤爲謬妄已極雖經裁撤實不足以服該處商民之心除函請內務司澈究外並飭龍啓縉將緝獲鹽舫及潘在坤船隻貨物照數分別發還毋得苛擾以靖風潮准函前因相應函復查照等因准此合行令飭爲此令仰該縣知事即便遵照會同法官迅將龍啓縉帶案從嚴懲辦並追繳贓款倘龍啓縉業已離縣即查明其原籍咨請拘拏解案蕭前知事既查無夥同詐贓情事任既已撤應仍聽候查辦併即遵照此令

湖南民

政長印

中華民國三年一月十五日

都督兼民政長指令

令淑浦縣知事

財政司案呈據該縣呈由田賦項下墊發典獄署自二年七月一號起至十一月底止經費洋壹千七百三十二元五角正請即抵解等情並呈費典獄署七八九十一等月一聯總收據到署據此查二年七月以後典獄署經費前經財政司填就發款命令飭經該縣行政廳墊支茲據呈請抵解田賦應由該縣檢齊財政司前次所發之發款命令及典獄署送到總收據三聯一併呈費到署再行轉解國稅廳籌備處列收抵解此次僅據費呈總收據一聯手續尙欠完備合行令仰該縣即便遵照辦理毋違此令

湖南民
政長印

中華民國二年一月十五日

都督兼民政長指令

令鄱縣知事

財政司案呈該縣知事遵電墊發官兵本季休金銀四百二十九兩正可否於本年下忙應解田賦項下抵解以省周折等情據此查二年十二月份各屬墊發退伍休金一項應遵十一月都督馮日通電由該縣造具官佐兵士姓名銀數清冊連同散收據並由該知事出具領款憑單一併呈請都督府核明飭軍需課換提憑單轉送公署飭司支發至呈請抵解田賦一節應

俟發款時由司轉交國稅廳籌備處核收合行令仰該縣即便遵照此令

湖南民

政長印

中華民國三年一月十五日

都督兼民政長委任令

令押運直隸賑米委員

財政司會同內務司案呈准財政部庚電內開長沙湯都督鑒箇電悉直省水災承允運米救濟至感米價准抵中央解款已飭直隸擔任籌還請速飭購運盼切等因准此當經財政部電復文曰庚電敬悉直隸賑米遵購三萬石米價用費承准列抵中央解款具徵大部垂卹燕賑體念湘艱之盛意現該省委員已經到湘一俟辦竣再將詳細數目具報列抵謹覆等因譯發在案此項賑米現飭分別購撥發交直隸委員袁松年領解回燕所有由長至岳沿途押解事宜亟應委員協同照料以昭慎重查該員張孝熙堪以派委合行令仰該員即便遵照一俟賑米辦齊即會同袁委員押運赴岳沿途妥爲照料毋稍疏虞是爲至要至該員薪水公費即赴財政司具領併即知照此令

湖南民

政長印

中華民國三年一月十五日

都督兼民政長指令

令瀏陽縣知事

實業司案呈據該縣知事呈據鑛商周維藩等補填巖前坑煤鑛表冊并申明該鑛山祇有譜據並無契約前已將該鑛捐歸族校捐約呈驗請予轉詳編號蓋印發給勘照等情應准將該捐約編號蓋印填給勘鑛執照俾資探採仰即轉飭來署具領此令

湖南民

政長印

中華民國三年一月十五日

都督兼民政長指令

令南路鑛山監督署

財政司案呈據該署先後呈費二年七月至十一月決算分冊到署據此查各冊均未填送附屬表及決算對照表實屬疏漏合行令仰該署即便遵照迅速補造七月至十一月決算附屬表及決算對照表限於文到五日內費署毋稍違延切切此令

湖南民

政長印

中華民國三年一月十五日

都督兼民政長委任令

令湖南出品協會籌備員舒仁

實業司案呈查巴拿馬賽會爲世界所注目關係至爲重要前經本司遵設湖南出品協會事務所委任舒仁爲籌備事務員督飭妥慎籌辦力策進行應請加給委狀以昭慎重呈請核辦前來合行委任該員即便妥爲辦理毋誤限期是爲切要此令

湖南民

政長印

中華民國三年一月十六日

公電

本省發電

都督兼民政長致 大總統國務院內務部電

北京 大總統國務院內務部鈞鑒湘省比年以來政刑失紀優柔養奸亂黨乘機邪慝密布省內外各級機關皆爲盤踞不惟聲氣勾通且復關係密切城狐社鼠朋比爲奸誤國蠹民罪逆昭著薊銘蒞任以後迭經通令訓誡懲勸兼施於知事一職攷察尤力乃近日以來在任知事竟有託故潛逃之案如石門知事田昌領醴陵知事羅彥芳臨湘縣知事劉煌然安福知事舒紹亮或因案潛逃或棄職逕去或詭稱因公溺水斃命或不俟交代先夜潛行先後經薊銘通電各屬嚴緝並飭據內務司查明彙開年歲籍貫前來伏查知事爲一縣行政長官應如何束身自好守法奉公查該知事等於薊銘搜查亂黨整飭吏治之時自揣併張凜然生懼等民社於敝屣視法令若弁髦棄職潛逃甘冒不韙若不從嚴懲處爲害何可勝言除羅彥芳劉煌然兩犯前已於電呈湘省亂徒罪狀案內業經彙請通緝外至前石門知事田昌領前安福知事舒紹亮二犯無論與湘省此次亂黨有無關係即以國家設官爲民而論亦斷不容此項詭黠之徒紊我綱紀嚴明之盛並已由薊銘嚴飭省內外文武各員協同查拿歸案懲辦擬請大總統令飭各省將田昌領舒紹亮二犯一併協同嚴緝務獲遞解究辦以維治本而肅官常是否有當伏乞訓示祇遵署湘都督兼民政長湯薊銘叩



公文

都督兼民政長致國稅廳籌備處函

財政司案呈據常德縣知事李振邦呈稱案照縣屬地居卑下濱臨洞庭上當辰沅之衝下達荆澧之水每遇春夏雨水過多上游山洪暴漲澎湃而來低窪之田盡成澤國本年入夏以來雖無巨浸而陰雨仍復連綿加以下游湖淤繼長增高河道淤塞以致各障垸田畝多有積水未退而最低沉塌砂壓不能復墾者亦爲數甚多前據各花戶稟報前來均經批准查勘並飭趕緊設法疏消積水乘時補種雜糧以冀收穫去後茲值秋收告竣馳赴前後鄉三十餘村障逐一履勘除落耜毡帽湖附與六家溶等障全淹外其餘被災各障垸田畝有收穫三分之二者亦有穫三分之一者而沿湖港汊以及各障垸被水沉塌砂壓之田均全無收穫合計應蠲應緩田賦正銀八千九百十六兩零六分八釐除將各村障名目暨分別緩徵蠲免田賦銀兩細數趕造清冊另呈外所有查勘被災各區情形理合具文呈報等因據此查各屬今歲豐登而該縣請免正銀至八千九百餘兩之多且現在距秋收之時已歷數月呈報遲延亦屬不合惟田賦蠲緩係屬貴廳主持相應函達貴廳請煩察核辦理飭遵施行此致

湖南國稅廳籌備處

中華民國三年一月十四日

都督兼民政長致高等檢察廳函

案據長沙縣知事陳繼良呈稱案查各縣初級地方法院解送省城高等法院暨由高等法院發回各縣人犯均係解交知事署代為派兵遞解現在法律規定凡遇刑事一經上訴既無不提之案而長沙為附郭首站又當往來之衝以致轉解前項人犯一日數起其辦理困難情形約有三端一知事署純為行政機關既未設有監獄復無看守人役每犯解到必俟繕辦文批始能起解無處拘禁疏脫堪虞一長途遞送護解需人暫雖借用土著小隊然遇人犯過多即已不敷分派况小隊原為緝捕盜匪保安地方而設似此半盡供解犯之用實不免顧此失彼之虞一每月綜計人犯口糧解兵旅費需款甚鉅將來官廳改組行政經費規定額支此款復從何出以上各節均為事實之困難不得不另籌變通之辦法擬請嗣後遞解人犯均歸各級法院巡派法警執行毋庸送縣轉解以省周折而免疏虞如蒙批准即由知事分致各級法院及各縣知事一體查照辦理等情到署據此本民政長復加查核自係實在情形解遞犯證本係一種訴訟行為該知事所請嗣後歸各級法院徑派法警執行之處核與法定權限尙屬相符應請照辦為此據情函達貴廳請煩查照分別省內外各級法院司署一併遵照仍祈見復以憑飭遵至為盼切此致

高等檢察廳

中華民國三年一月十四日

都督兼民政長致權運局函

逕啓者財政司呈案據安徽都督兼民政長咨開案查前據望江縣知事呈據華陽救生局請咨湘省將協款交郵滙兌等語到署當以案關善款除飭將印摺郵呈外並據情咨商貴民政長查照原案將協款壹百元連同該縣所呈印摺一併滙交本公署轉發在案茲該知事呈送華陽救生局原領貴省督銷准鹽總局捐助印摺一扣並墨領一紙請予咨商給發前來相應將所呈印摺墨領備文咨送貴民政長查照前案核發即將此項協款壹百元連同印摺一併滙交本公署轉給濟用所需之郵滙費即在此款內如數扣除以期兩便而維善舉等因並咨送華陽救生局印摺壹扣墨領壹紙到署准此查華陽救生局協款原案係由鹽款項下支撥現在湘岸所收鹽款均由貴局專款存儲聽候部撥所有前項協款應由貴局查核酌定辦法逕覆安徽民政長查照爲荷此致

湖南權運局

中華民國三年一月十五日

都督兼民政長致湖南孔教會函

案准審計分處函開案查前准大府函開據內務司呈請撥給孔教會經費各緣由函處審酌見覆各等因准此當以此項經費應由行政長官酌奪定案函覆查照在案茲查法令全書內載財政部通佈收集國民捐章程第五條內開國民捐之用度由本部開具清單刊登公報等語是此項捐款應候部撥相應函請大府查照辦理實爲公便再查國粹學舍請撥開辦費一

案事同一律應請查明併案辦理合併聲明等因准此相應函達貴會煩爲查照此致
湖南孔教會

中華民國三年一月十五日

呈批

都督兼民政長批

零陵縣處士姜鍾鈺呈請經義治事興學請示遵由

呈悉聖經賢傳如日月經天江河行地亘萬世而不磨理應人人研求以立身心性命之本惟是世變日亟進化無窮專以經傳施教未必盡適於今日之時勢若不加以選擇概令誦讀徒耗腦力有何裨益故今日學制應時損益於修身歷史國文等科中引用經傳及歷代模範人物以資則效以厚根基復將日用常職參加講習俾於立身處世之道有所領悟庶無食古不化之弊該處士所呈各節事雖難行志尙可嘉後有所見仍仰隨時敷陳以備採擇本兼民政長有厚望焉此批

寧遠縣前城自治董事會總董樂譜金議事會議長毛豐呈稱歐寶錕以平白遭冤懇飭開釋由

據呈該縣毀學一案因前黃知事辦理乖方妄拘無辜致令歐寶錕平白遭冤懇飭開釋等情查歐寶錕聚衆脅迫前經該縣司法判定處以無期徒刑其口供判詞復經該縣凌

知事查明附錄呈報在案實屬罪有應得所請開釋一節應無庸議此批

臨湘合縣代表袁人英等呈由

呈悉查中學教育基於小學縣立小學尙未推廣並無設立中學之必要况該縣財力有限現在強迫教育計將實行小學經費籌措維艱該代表等主持該縣教育自應以籌款推廣四鄉小學爲當務之急計不出此搜索有限公款沾沾以興辦不急需之中學爲務急其所緩勢必緩其所急舍近圖遠去實驚名深爲該代表所不取也所請不准此批

探商葛奉先運商趙仁和等呈爲奉批呈明懇准飭縣曉諭由

實業司案呈查土硝一項關係軍火向章每領探票一紙祇准隨領運票五十紙取締甚嚴原爲杜絕濫售濟匪各弊端起見前據該硝商以探票限期未滿加領運票各情具呈到司業經照章批駁茲據呈明各情仍無正當理由應仍候探票期滿照章換領探票再予發給運票呈請批示前來合行牌示仰即知照此批

龔植華等請辦湘鄉縣屬三十七都地名白楊田虎形山煤鑛呈請立案由

實業司案呈據該民等請辦湘鄉縣屬三十七都地名白楊田虎形山煤鑛既據抄粘合約草圖呈驗應飭補抄管業契據呈候令飭該縣知事勘復核奪合行牌示仰即知照此批抄粘合約繪圖均存

新化鑛商劉廷舉等呈請援准設立祥利鑛爐彙報飭查由

實業司案呈據該商等呈請援准設立祥利鎔爐彙報飭查等情查此案已由本司於該商等前次呈內明白批示應飭遵照前批聽候中路鑛山監督署長招集已准設立各煉廠公司籌議附爐辦法妥定章程由該商等遵照辦理合行牌示仰即知照此批